



Broj: 03/1-50-14-7-35-15/17

Sarajevo, 8. 5. 2017.

**PREDMET: Sastanak članova Zajedničke komisije za odbranu i sigurnost BiH s visokim zvaničnicima Evropske unije o pitanjima borbe protiv terorizma i nasilnog ekstremizma, Sarajevo, 4.4.2017.**

Dana 4.4.2017. u Sarajevu su članovi Zajedničke komisije za odbranu i sigurnost BiH održali sastanak s visokim zvaničnicima Evropske unije BiH o pitanjima borbe protiv terorizma i nasilnog ekstremizma.

Sastanak je imao za cilj sagledavanje političkog opredjeljenja domaćih vlasti o ključnim pitanjima značajnim za borbu protiv terorizma i unutrašnju sigurnost EU.

Cilj razgovora bio je i pronalaženje mogućnosti za intenziviranje saradnje s domaćim vlastima o ključnim pitanjima u borbi protiv terorizma i unutrašnje sigurnosti Evropske unije, u duhu partnerstva, uzimajući u obzir da je BiH podnijela zahtjev za članstvo u EU i da je Komisija u procesu izrade mišljenja o ovom zahtjevu.

Članovi Zajedničke komisije upoznali su predstavnike Evropske unije sa svojim aktivnostima u prevenciji u borbi protiv terorizma. Naglasili su da je to jedan od ključnih sigurnosnih izazova s kojim se suočavaju svi subjekti u okviru sigurnosnog sektora i da je Zajednička komisija tokom svojih radnih posjeta, niza seminara, konferencija i sastanaka s direktorima sigurnosnih agencija i ministrom sigurnosti bila u poziciji da stekne uvid u stanje po pitanju preventivnog djelovanja i suprotstavljanja eventualnim nosiocima terorističkog djelovanja i nasilnog ekstremizma u BiH.

Svjesna da je u proteklom periodu bilo određenih problema u koordiniranju rada policijskih agencija u BiH, kada je u pitanju neposredno djelovanje tokom izvršenih terorističkih akata koji su se desili, Zajednička komisija je istrajala, zajedno s ministrom sigurnosti BiH i direktorima policijskih agencija, na unapređenju međusobne saradnje i podizanju na daleko veći nivo koordinacije u suprotstavljanju prepoznatim sigurnosnim izazovima.

Članovi Zajedničke komisije informirali su goste da su tokom svojih radnih posjeta policijskim agencijama bila u prilici sresti se s visoko profesionalnim kadrovima koji znaju raditi svoj posao i koji su svjesni obaveza koje su pred njima.

Inače, članovi Zajedničke komisije istakli su da se kao jedna od najznačajnijih prijetnji sigurnosti u BiH uključuje djelovanje povratnika sa stranih ratišta, radikalizacija i nasilni ekstremizam, kao i eventualna nedozvoljena trgovina oružjem.

U razgovoru je potencirano pitanje saradnje zakonodavne i izvršne vlasti Bosne i Hercegovine te svih subjekata iz sektora sigurnosti sa institucijama EU kako bi se iskoristili

raspoloživi alati EU poput: Europol, Eurojusta, Mreže za podizanje svijesti o radikalizaciji (RAN), fondova iz Instrumenta pretpristupne pomoći (IPA) i provođenjem Inicijative Zapadnog Balkana za borbu protiv terorizma.

Sastanku su u ime Zajedničke komisije za odbranu i sigurnost BiH prisustvovali: Sifet Podžić, predsjedavajući, Mario Karamatić, Šemsudin Mehmedović, Hanka Vajzović članovi Zajedničke komisije, te Mladen Bosić, zamjenik predsjedavajućeg Predstavničkog doma PSBiH.

Sastankom je predsjedavao ambasador Lars-Gunar Vigemark, šef Delegacije EU i specijalni predstavnik EU u BiH zajedno s Pedrom Seranom, Macejom Popovskim i Žilom de Kercovim.

**PREDSJEDAVALAJUĆI KOMISIJE**  
**Sifet Podžić**

Dostavljeno:

- naslovu
- a/a